



**Quæstionum Canonicarum, In Quinque Libros
Decretalium, Tomus ...**

In Lib. III. Decretalium. In quo agitur De Rebus, quae in judicium devenire solent, cujusmodi sunt, de vita et moribus Clericorum, ...

Schlüter, Georg

Augustæ Vindelicorum, 1708

Articulus III. De divinis officiis.

[urn:nbn:de:hbz:466:1-73045](#)

reverentia, & timore, *semper lumine
præcedente*; cùm sit candor lucis æter-
nae, ut ex hoc apud omnes fides, & devo-
tio augatur. 4. ut Prælati hujusmodi man-
dati graviter punire non differant trans-
gressores: si & ipsi divinam & nostram vo-
lunt effugere ultiōnem. De primo pun-
to quoad custodiam Eucharistæ, dicemus
infra tit. 40. de secundo, & tertio diximus
supr. tit. 29. de Parochiis; nam onus de-
ferendi sanctissimum Eucharistiæ sacra-
mentum ad infirmos, est de pertinentibus
ad curam animarum, ut decidit Rota, de
quo Barbosa in dict. c. sane. n. 5.

ARTICULUS III.

De divinis officiis.

3586 **H**ec est tertia pars hujus tituli; ubi no-
ta, per *divina officia* hic potissimum
intelligi recitationem horarum canonici-
carum; de qua materia in hoc titulo ex-
tant duo speciales canones; primus in c.
Presbyter. 1. b. t. ibi: *Presbyter, manè
matutinali officio expleto, pensum ser-
vitutis sua* (videlicet primam, tertiam,
sextam, nonam, vesperamque) *persol-
vat, ita tamen, ut horis competentibus*
juxta possibilatem, *aut a se, aut a scho-
laribus publicè compleantur*, alter in c.
Dolentes. 9. eod. ubi Innocentius III. sic
loquitur: *Dolentes referimus, quod non
solum quidam minores Clerici, verum
etiam aliqui Ecclesiæ Praelati circa
comesationes superfluas, & fabulatio-
nes illicitas (ut de alistarceanus) fere
medicatae noctis expendunt, & somno
reptuum relinquentes, vix ad diurnum
concentum ariū excitantur; trans-
currendo (undique) continuatā syncopā
matutinum. Sunt & alii, qui Missa-
riam solemnia vix celebrant quater in
anno, & (quod deterius est) interesse
contemnunt: & si quando, cùm hæc ce-
lebrantur interfint, chori silentium fu-
gientes, intendunt exterius collocatio-
nibus Laicorum: dumque auditum ad
indebitos sermones effundunt, aures in-
tentas non porrigit ad divina. Hec
igitur, & similia sub pena suspensionis
penitus inhibemus, difficitè precipientes,
in virtute obedientia, ut divinum
officium pariter, & diurnum, quantum*

*eis dederit Deus, studiose celebrent pa-
riter, & devote.*

Ex his canonibus, quantum ad præsens 3587
duo in questionem venire possunt, 1. an sit
sub obligatione conscientia divinum offi-
cium, seu horas canonicas, *non simul uno
tracku omnes, aut ferè omnes, sed distin-
ctis temporibus recitare?* 2. an officium
matutinum (nimurum nocturni & laudes)
debeat manè persolvi, & quidem ante
sacrificium? nam hæc videntur in his juri-
bus peculiariter tangi; reliqua, quæ per-
tinent ad plenam noctitiam de horis cano-
nicis, tradidimus in materia de præceptis.
primæ tabulae. Ad. 1. q. verum esse, sin-
gulis horis præscriptum esse certa tem-
pora, quibus debent dici, ea videlicet, ex qui-
bus nomina sumperunt, ut tradit P. Tho-
mas Sanchez in *Conf. moral.* l. 7. c. 2.
dub. 35. n. 1. qui dub. 36. n. 1. docet, non
peccari mortaliter, quacunque diei hora
recitentur horæ canonicae privatim, intra
diem naturalem, qui constat ex 24. horis;
nimurum à duodecimâ noctis præcedentis
hora, usq; ad duodecimam sequentis; & 2.
ibid. nullam esse culpam, si non recitentur
debitis horis *juxta de causa;* veniale tam-
en, si citra istam causam. Rationem
primi dat, quia substantia præcepti consi-
stit in hoc, *quod hora dicantur:* at quod
dicantur *tali tempore*, est modus quidam,
& circumstantia, non adeo necessaria; &
pro hac sententia refert Navarrum, Armil-
lam, Sylvestrum, Sotum, & complures
alios; rationem verò postremi, de pecca-
to ventiali, desumit ex eo, quia in c. 1. de
celebr. missar. & Clement. 1. eodem, præ-
cipitur, *ut debitibus horis recitentur;* addit
autem ibidem n. 3. justam causam esse, &
à culpa immunem reddere, si *Scholaisticus*
differat horas in vespertinum tempus,
eo quod matutinum est aptum studio, non
autem vespertinum: hoc verò est aptum
ad recitandum; & n. 4. quando quis impe-
dimentum timet, melius esse, ut horas
præponat, quam postponat. Ratio, quia
primum est providentia; at secundum,
est negligencie; scilicet.

Mihi videatur dicendum, obligatum ad 3488
dicendas horas canonicas privatim, nul-
lam committere culpam, etiam manè, vel
alio tempore, intra diem naturalem, reci-
tando consequenter omnes horas divini
officii, quando adest justa, & rationa-
bilis

Nnn nn

Tom. III.

bilis causa, v. g. si prævidet, scilicet tempore impediendum vel absolute, vel in tantum, ut non possit, nisi cursim, vel minus devotè, aut dispositum, ad debitam intentionem eas dicere, vel ex fatigacione itineris, laboris, studii, aut alterius occupationis honestæ, modo in ea recitatione servetur substantia horarum cum attentione, & pronuntiatione debita; id sentire videtur Sanchez cit. Lessius, Azor, Vasq. Bonacini, & alii, quos refert Barbos. in dict. c. Presbyter n. 8. cùm expreßè teneant, *nullam esse culpam, dicere divinum officium, ex justa causa, non servando horarum ordinem*; ex hoc enim rectè idem colligi videtur, si ex justa causa non servetur *distinctio temporis*; cùm hæc non magis videatur præcepta, quam horarum ordo; & ratio est; quia horas, etiam simul omnes, consequenter, etiam extra tempora, quæ designantur eorum nominibus, ex justa causa privatim recitare nullo jure prohibitum est, ut agnoscunt Authors cit. & complures alii; & i. talem horarum recitationum *privatam*, nullibi graviter prohibitam esse, constabit ex mox dicendis.

3589 Sed nec etiam prohibita est *sub veniali culpa*, ubi adest causa justa, & rationalibilis in contrarium; constat. i. ex dict. c. Presbyter. i. b. t. juxta id, quod apud Barbos. in cit. c. i. n. 11. tradit. Azor p. 1. l. 10. c. 9. q. 4. ubi Barbos. V. *Vespera* inque *per solvat*; ubi notatur, inquit, quod Clericus, negotiis implicatus, *statim manè omne, pensum horarum solvere usque ad vesperrum* potest; & addit, per illa verba ita tamen, *ut horis competentibus juxta posibilitatem, aut à Scholaribus publicè compleantur*, juxta P. Azor loc. cit. significari, concedi Clerico, ut *privatum, extrachorum, manè horarias preces peroret*, & curet insuper, ut publicè in templo à ceteris Clericis minoribus (quos text. hujusmodi scholares appellat) tempestivè decantentur. Ex hoc deducitur altera responsio ad dictum c. Presbyter, dato, quod dictus canon contineret præceptum, recitandi horas distinctis temporibus, cum tamen non agere de recitatione horarum *privata*, sed *publica*; & quæ sit per cantum, probatur. i. ex eo, quia loquitur de divino officio horis competentibus (si Presbyter ipse non potest) à *secularibus complendo*; ubi per *scholares publicè*

intelliguntur *Clerici minores*, ut notat Barbosa cit. n. 11. nimis *Psalmiste*, qui erant in schola Cantoris ad psallendum in Ecclesia, ut pluribus probat Gonzalez ad cit. c. i. b. t. n. 5.

Probatur 2. exinde, quia textus loqui 3590 tur de *Presbytero*, ut manifestum est; ex hoc autem, attendendo dictum verbum *Presbyter*, clare deducitur, textum loqui de horis canoniciis *non privatim*; sed *publicè dicendis*; pro quo not, ex Fileasco in c. 15. §. 2. de offic. ordin. apud Gonzalez cit. n. 12. *Presbyterum* in hoc textu accipi pro *Parocho*; & veterem autem Ecclesiæ Gallicanæ morem fuisse, ut horæ dicerentur *etiam in Ecclesiis Parochialibus*; Parochi enim olim tenebant secum habere Clericos juniores, ad sibi ministrandum, & ut illis absentibus, horas canonicas publicè in Ecclesia recitarent, cap. *nullus* 11. q. 1. cap. *ut quisque* vi- can. 2. ibi: *hoc enim placuit, ut omnes Presbyteri, qui sunt in Parochijs constituti, secundum consuetudinem quam per totam Italiam satis salubriter teneri cognovimus, juniores lectors quantoscumque sine uxore haberint, secundum in domo, ubi ipsi habitare videntur, recipiant, & eos quomodo boni PP. spiritualiter nutritentes, psalmos parare, divinis lectionibus infistere, & in lege Dominie rudire contendant, nihil igitur ex c. i. b. t. rectè ad intentum de recitandis *privatism* horis secundum distincta tempora, ritè concluditur.*

Dices. P. Eusebius Nierembergius in 3591 spirituali institut. l. 2. Pandect. l. 2. doctrinâ 12. c. 77. ex B. Petro Damiano refert, S. Severinum gravissimas purgatoriis penas lucentem, rogatum, ut aperiret, cur tanto incendio cruciaretur? respondisse, nihil in se remansisse, ultione plectendum, præter hoc tantum, quia, dum in aula regia constitutus, imperialibus se consiliis vehementer implicuit, canonici Synaxis officia per distincta horarum spatha non persolvit. Manè quippe simul coacervans, inquietabat, tota die negotiis ingruentibus secura libertate vacabam. *Ob hanc itaque negligentiam horarum, ardoris hujus fero supplicium*, ergo, cùm talis horarum oratio tam graviter puniatur, signum est, divinum officium, seu horas cano-

canonicas temporibus præscriptis non per solvere, non esse peccatum leve.

Sed hæc objectio ipsa includit solutionem; non enim dixit Sanctus, se tantas fulfillere poenias, quod mane simul dixerit horas omnes etiam stante causa rationabili, & iusta; sed, quod coacervaverit, ut secura libertate negotiis secularibus tota die vacaret, quadam nimis tamen negotiorum appetitione minus moderata, quam exigeret devotione precandi, deordinatione quadam exigua, & levi, vel in fine, propter quem horas manè statim coacervavit; vel in modo, prout colligi posse videtur ex verbo *coacervans*, quod denotat congeriem rerum minutarum.

Ad 2. questionem de matutino, & laudibus, antequam *Sacerdos celebret*, ex obligatione persolvendis, sunt diversæ opiniones; quidam enim asserunt, peccari mortaliter, si matutinum & laudes, serius dicantur sine justa causa, quam Missa celebretur; sic multi Doctores apud Baldellum tom. 2. diff. 31. n. 9. nominatim S. Anton, Paludanus, Navarrus, Gabriel Armilla, Angelus, Azor, Tolentus, & apud Thomam Sanchez l. 7. consl. c. 2. dub. 38. alii dicentes idem, nisi omisso fieret ob causam urgentem, puta vitandum grave damnum, vel scandalum; pro qua opinione refertur ibidem etiam Margarita Confessorum, &c. Aliqui ex illis moventur ex his capitibus. 1. quia in Missali §. de præparatione *Sacerdotis celebraturi*, statim in principio dicitur. *Sacerdos celebratus Missam saltem matutino cum laudibus absolute, orationi aliquantulum vacet: & orationes inferius positas pro temporis opportunitate dicat.* Et in Rubrica de defectibus Missæ §. 10. inter alios defectus, ob quos sub gravi peccato prohibitum est, celebrare Missam, ponitur iste: *si celebrans Matutinum cum Laudibus non dixerit: Adhæc Julius III. in Brevi S. Patri nostro, pro confirmatione privilegiorum nostrorum concessit, Anno 1552. quod incipit: Dilecte fili: sic loquitur; ut tu, & Societas quietius, & devotius, in humilitate Spiritus, Altissimo gratum præbere positis famulatum, facultatem, & licentiam anteponendi, & postponendi officium divinum, alias vobis concessam ad hoc, ut tu, & pro tempore existentes Religiosi Socie-*

Tom. III.

tatis hujusmodi, ex legitimis & iustis causis (in quo tuam, ac successorum tuorum Praepositorum Gen. pro tempore existentium, & aliorum, quos ad hoc substitueritis, conscientiam oneramus) officium ipsum celebrationi Missæ liberè & absque conscientie scrupulo, postponere possitis, Authoritate, & tenore prædictis extendimus, & ampliamus. Quod privilegium ne frustraneum sit, & ne conscientia immerito oneretur, supponit obligationem de jure communi, Matutinum, & Laudes dicendi ante Missam.

Verum his non obstantibus, cum pro-

3593
babilius, & veriori sententia dicendum, non esse peccatum mortale, facere sacram, antequam recitetur matutinum, etiam si nulla justa causa interveniat; ita tenet Sanchez l. 7. consl. c. 2. D. 38. n. 3. & apud eum Sotus, Medina, Sylvester, & complures alii cum Baldello cit. & novissime P. Illung in Arbore vita, seu *Theol. practic. tr. 5. D. 1. q. 1. a. 4.* nam obligatio gravis in hoc puncto nullo profructu titulo probatur; nec enim vel ex natura rei, vel illius juris dispositione ea est connexio horarum cum Missa, vel vicissim, ut circa culpam gravem separari non possint, quo-
ad illum ordinem; quod non ex natura rei, certum est; quod non dispositione juris positivi, constabit ex solutione fundamentorum contraria sententia; & ratio ulterior est; quia Missa non dicit ullo jure majorem ordinem ad horas, & vicissim; quam ipsa hora inter se; at non ferre ordinem horarum inter se, non est peccatum grave, etiam nulla interveniente causa, intellige quantum est vi obligatio- nis recitandi quotidie horas divini officii; ergo.

Ad rationes in contrarium, & ad 1. n. 3594

1. admisso toto textu illius rubricæ nullam inde duci legitimam illationem de gravi præcepto, cum ne verbum quidem contineat graviter præceptivum; nec etiam materia subtrahita directioni, quam continet rubrica, id inferat. 2. cum æqualiter loquatur, & in eodem contextu de matutino, & orationibus inferius positis, si contineret gravem obligationem, ambo essent sub gravi præcepto; quod tamen de illis orationibus nemo facile dicet, pec- cari mortaliter, si quis celebret illis prius non dictis; 3. not. quod in cit. §. de præ-

Nnn nn 2

para-

paratione (ubi dicitur, quod celebraturus Missam, ab soluto matutino cum laudibus, dicat *orationes inferius positas*) statim reddatur: *pro temporis opportunitate*, ex his enim ne quidem venialis obligatio deducitur, ubi temporis opportunitas non est; denique assérere: ex præcepto juris humani aliquid esse *sub obligatione gravi*, consequenter *sub amissione æternæ vite*, & *in cursu æternorum tormentorum*, sine clara lege, vel convincenti ratione, non videtur congruere menti Legislatorum, cum primis benignæ Matris Ecclesiæ; præsertim, cùm *contra eum, qui legem dicere potuit, apertius sit interpretatio facienda*, ut dicitur, reg. 57. de reg. jur. in 6.

3595 Ad. 2. ex §. 10. R. cùm in eo §. referantur promiscuè defectus in missa quandoque contingentes, tam *graves*, quād *leves*, non rectè circa *singulos* inferri obligationem *gravem*; cùm res *levis* tam de se, quam etiam relatè ad finem intentum à Legislatore, non possit graviter præcipi, at recitare matutinum, & laudes, *antequam* quis missam faciat, non modo de se, sed etiam relatè ad finem à Legislatore intentum, est res *levis*; cùm inter ea duo nulla sit omnino connexio, vel dependentia, ergo; Censet tamen P. Illung loc. cit. ex dicto §. 10. inferri, obligationem *sub veniali*; quæ tamen culpa etiam

evitetur per justam causam; id, quod quoad evitatem culpæ etiam venialis propter justam causam, verum censet etiam Sanchez cit. l. 2. Consil. c. 2. D. 38. n. 5. & Suarez tom. 3. de Sacrament. D. 82. scđ. 1. dicens: *nulla esse obligationem velex lege scripta, vel non scripta*, recitandi matutinū prius, quād quis privatum, vel solenniter celebret, saltem loquendo de officiis divini recitatione *privata*, ut ex eore tulimus lib. 1. decret. tit. 2. de confit. ut a 1319. r. cuius ratio deduci potest ex ibidem dictis, ubi cum Cardinale Brancato, Suarez, Quarto, & aliis diximus, rubricas, quæ præscribunt ritus servandos intramissam, tangentes *substantiam actus, præceptivas esse*, quæ verò præscribunt *ritus ante, vel post missam*, tantum directivas. Quod verò dicitur de dispensatione Socierati nostræ facta à Julio III. summo Pontifice, ut ipsum officium divinum celebrationi Missæ liberè, & *absque conscientie scrupulo* postponi possit (cifiali qui velint, ex hac seclusa tali dispensatione vel alia causa justa, talem postpositionem continere culpam venialem) non tam aguit dispensationem propriè dictam (quæ nimirum eximat ab obligatione legis) cùm (ut diximus ex P. Suarez existente justa causa, nulla sit) quād exemptionem scrupuli conscientiæ, qui quandoque Viris etiam timoratis oritur ex diversitate opinionum,

QUÆSTIO XLII.

IN TIT. XLII. DE BAPTISMO, ET EJUS EFFECTV.

3596 **B**aptismus vox Græca est, quæ latine redditur *immergo*, *intinquo*. Apud Canonistas in c. *Necessarium*, dīb. 4. de *consecrat*, idem vallet *baptismus* atque *ablutio corporis exterior*, facta sub ordinata forma: apud Theologos duces Thoma 3. p. q. 66. a. 11. Baptismus est triplex, seu potius sumitur tripliciter. 1. pro baptismō *sanguinis*, de quo Christus Dominus Luc. 12. Baptismo habeo baptizari, & est idem atque Martyrium, hoc enim (ut docet Suarez D. 22. scđ. 1.) per quamdam analogiam vocatur

baptismus sanguinis: quia sicut verus baptismus, tangendo corpus, ex opere operato lavat animam ab omni culpa, & pena, sic Martyrium id præstat ex speciali privilegio, ita ut aliquando defectum baptismi suppleat. Deinde pro baptismō *flamini*, hoc est spiritus sancti, qui *flamen* appellatur: & est idem, atque *baptismus charitatis*, & *poenitentia*, quando quis per actum charitatis, seu contritionis, cum proposito suscipiendo baptismum, sufficienter disponitur, ut recipiat gratiam habitualem, quæ est aqua cœlestis, ablucens ani-

mi.